



Bømlo kommune

Sekretariat for kontrollutvalet

Bømlo kommune

5430 BREMNES

Vår sakshandsamar: Kjartan Haugsnes

Dykkar ref.:
Vår ref: 2014/311
Vår dato: 18.09.2015

Partsbrev - Forslag til budsjett 2016 for kontroll og tilsynsarbeidet i Bømlo kommune

Med helsing

Hogne Haktorson
kontrollsjef

Kjartan Haugsnes
spesialrådgjevar

Dokumentet er elektronisk godkjent og har derfor ikkje underskrift.

Kopi til:
Ordførar
Rådmann
Utvalseiar
Deloitte AS

Arkivsak: 151
 Arkivnr: 2014/311-26
 Sakshandsamar: Elin Molven Wilhelmsen

Saksframlegg

Saksgang

Utval	Saknr.	Møtedato
Kontrollutvalet i Bømlo kommune	36/15	26.08.2015

Forslag til budsjett 2016 for kontroll og tilsynsarbeidet i Bømlo kommune

Samandrag og bakgrunn for saka

"Forskrift om kontrollutvalg i kommuner og fylkeskommuner" vart endra med verknad frå 1.7.2004. Etter forskriftas § 18. skal kontrollutvalet i Bømlo kommune utarbeide framlegg til budsjett for kontroll- og tilsynsarbeidet i kommunen. Omtala § i forskrifta lyder slik:

"§ 18. Budsjettbehandlinga

Kontrollutvalget utarbeider forslag til budsjett for kontroll- og tilsynsarbeidet i kommunen eller fylkeskommunen. Kontrollutvalgets forlag til budsjetttramme for kontroll- og revisjonsarbeidet skal følge formannskapetets/kommunerådets eller fylkesutvalgets/fylkesrådets innstilling til kommunestyret eller fylkestinget.

Der kommunen eller fylkeskommunen har en egen revisjon avgir revisjonen innstilling til kontrollutvalget om budsjett for revisjonen.

Departementets merknader til § 18:

Bestemmelsen fastsetter fremgangsmåten ved behandling av budsjett for kontrollutvalgets og revisjonens samlede virksomhet.

Når kommunen/fylkeskommunen har egne ansatte revisorer, skal revisjonen ved ansvarlig revisor avgi innstilling til kontrollutvalget om budsjett for sin virksomhet i budsjettåret.

I interkommunale revisjonsselskaper organisert som interkommunale selskaper, er det representantskapet som vedtar budsjettet, jf. lov om interkommunale selskaper § 18, noe som forutsetter at deltakerkommunen/fylkeskommunen budsjetter må være vedtatt før slikt budsjett kan vedtas."

Drøfting:

Kontrollutvalet har ansvar for å utarbeide budsjettforslag for kontroll- og tilsynsarbeidet i kommunen. Det som er særskilt med kontrollarbeidet er at det egentleg er administrasjonen som vert revidert. Såleis skal kontrollutvalet innstilla direkte overfor politisk organ.

For revisjonstenestene er det teke utgangspunkt i ny avtale som vart inngått med Deloitte AS med verknad frå 1.7.2011. Budsjettert kostnad med revisjon skal dekke både arbeid med rekneskapsrevisjon og anna revisjonsarbeid, t.d. prosjekt innan forvaltningsrevisjon og selskapskontroll.

Vidare er det lagt til grunn at det vert like mange møter i kontrollutvalet i 2016 som det har vore i 2009 – 2015 og med om lag like stor saksmengde. Det er også lagt inn møtegodtgjersle og tapte arbeidsforteneste for medlemene i kontrollutvalet, kostnader til at medlemene i kontrollutvalet kan delta på ein nasjonal fagleg kontrollkonferanse, medlemskap i Forum for Kontroll og Tilsyn (FKT), abonnement på "Kommunerevisoren", servering på utvalsmøta og ein diverse post.

Det er som vanleg også lagt inn pengar til ekstra tiltaksmidlar. Dette er midlar som er tenkt til ev. ad-hoc oppgåver, t.d. øvrig forvaltningsrevisjon, selskapskontroll og utgreiing, som måtte komme undervegs i året. Bakgrunnen for slike ekstra oppgåver kan t.d. vera medieoppslag eller bestillingar frå kommunestyret som ikkje står i godkjend plan.

I forskrift om kontrollutval i kommunar og fylkeskommunar står det dette i § 10:

"§ 10 Plan for gjennomføring av forvaltningsrevisjon

Kontrollutvalget skal minst én gang i valgperioden og senest innen utgangen av året etter at kommunestyret eller fylkestinget er konstituert, utarbeide en plan for gjennomføring av forvaltningsrevisjon. Planen vedtas av kommunestyret eller fylkestinget selv som kan delegerer til kontrollutvalget å foreta endringer i planperioden.

Planen skal baseres på en overordnet analyse av kommunens eller fylkeskommunens virksomhet ut fra risiko- og vesentlighetsvurderinger, med sikte på å identifisere behovet for forvaltningsrevisjon på de ulike sektorer og virksomheter."

"§ 13. Selskapskontroll

Kontrollutvalget skal påse at det føres kontroll med forvaltningen av kommunens eller fylkeskommunens interesser i selskaper m.m.

Kontrollutvalget skal minst én gang i valgperioden og senest innen utgangen av året etter at kommunestyret eller fylkestinget er konstituert, utarbeide en plan for gjennomføring av selskapskontroll."

Formuleringane i desse paragrafane viser at hovedoppgåvene til kontrollutvalet er å gjennomføra prosjektarbeid ut frå dei planar som kommunestyret har vedteke. Planar for forvaltningsrevisjon og selskapskontroll vart utarbeidde av kontrollutvalet våren 2012, og vert lagt fram for kommunestyret til godkjenning hausten 2012. Planane vart revidert i 2014 og lagt fram for kommunestyret som melding.

I kontrollutvalet sitt budsjett bør det leggest inn midlar til å gjennomføra prosjekt innan forvaltningsrevisjon og selskapskontroll i tråd med planane. Ut frå planane, vil prosjektarbeid krevja ei ramme på om lag 400 timar for kommunar med Bømlo sin storleik. I tillegg er det budsjettert for ny planprosess, samt folkevaltopplæring for nytt kontrollutval, som skal gjennomførast første år etter kommunevalet.

Prisen for tenestene sekretariatet gjer for kontrollutvalet er regulert i tråd med kostnadsutviklinga som går fram av Statistisk Sentralbyrå sin indeks for andre tenester med arbeidsløn som dominerande prisfaktor, jf. avtale mellom Bømlo kommune og Hordaland fylkeskommune dagsett 13.2.2008. I 2015 hadde Hordaland fylkeskommune ein ny gjennomgang av grunnlaget for dagens timepris, for å sikre at fylkeskommunen ikkje kryss-subsidierer kommunane dei er sekretariat for. I budsjettforslag for Bømlo kommune er det lagt opp til at denne prisjusteringa først kjem frå 1.1.2017.

Konklusjon:

På bakgrunn av dette tilrår sekretariatet at kontrollutvalet innstiller overfor kommunestyret om godkjenning for det budsjettforslaget som ligg føre.

Forslag til innstilling

Kommunestyret godkjenner budsjett for kontroll- og tilsynsarbeidet i 2016 i Bømlo kommune slik det ligg føre.

Saksprotokoll i Kontrollutvalet i Bømlo kommune - 26.08.2015

Handsaming i møtet:

Sekretariatet informerte om at det var lagt for liten sum inn i høve planarbeidet for den nye perioden. Nytt budsjettskjema vart presentert og delt ut i møtet. Revidert skjema vert sendt saman med partsbrev og saksutgreiing til kommunestyret.

Sekretariatet delte ut to dokument i møtet:

- Oversikt over kontrollutvalet sitt rekneskap pr. 31.7.2015.
- Revidert budsjettforslag 2016 for kontroll og tilsynsarbeidet.

Vedtak i saka var samrøystes med dei endringane som kom fram i møte.

Innstilling:

Kommunestyret godkjenner budsjett for kontroll- og tilsynsarbeidet i 2016 i Bømlo kommune slik det ligg føre.

Hogne Haktorson
kontrollsjef

Elin Molven Wilhelmsen
spesialrådgjevar

Dokumentet er elektronisk godkjent og har derfor ikkje underskrift.

Vedlegg

1 Budsjettforslag 2016 for kontroll og tilsynsarbeidet i Bømlo kommune